

Число 19—20.

Ужгород, 1. октября 1924.

Рочник IV.

БІЛОРУССІЙСК

Білорусь



Monastir O. BB.

Заложуйте свои вкладки до Централъ або філіялоч

ПОДКАРПАТСКОГО БАНКА.

СТАН ВКЛАДОК ПОВЫСШЕ: КЧ. 10.000,000.

В всяких финансовых и господарских дѣлах доста-
вить Вам скору, точну и бесплатну пораду :-:

ПОДКАРПАТСКІЙ БАНК В УЖГОРОДЪ.

Своими заощаднеными гелерами при доброму опро-
центованю капитала подпирайте свой народный

ПОДКАРПАТСКІЙ БАНК В УЖГОРОДЪ.

Истинно народна, руська и славянска институція есть

ПОДКАРПАТСКІЙ БАНК В УЖГОРОДЪ.

Свой до своего!

Пересылки долларов до Америки з дозволом
Банковного Уряду wykonue :-:-:-

ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав
Европы и Америки wykonue найвыгоднѣйше :-:

ПОДКАРПАТСКІЙ БАНК В УЖГОРОДЪ.

Замѣну старых ческословенских банкнот (Кч. 5000,
500, 5.—) переводить :-:-:-:-

ПОДКАРПАТСКІЙ БАНК В УЖГОРОДЪ

в Банковном Урядѣ Министерства Финансов.

Америцькѣ десеквестрації, исекурації и компен-
зациі за померших в Америцѣ переводить :-:

ПОДКАРПАТСКІЙ БАНК В УЖГОРОДЪ.

За вкладки (льокації) платить

ПОДКАРПАТСКІЙ БАНК

:-:- 5%—6%. :-:-

Путешественна канцеларія продажа желязнодо-
рожных карточок на цѣлу територію
Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ

БЛАГОВѢСТИКІА

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходитъ двараз въ мѣсяцъ
каждого 1-го и 15-го.

АДРЕС:
Редакція: Kapitulska ulica 10.
Администрація:
Užhorod, Duchnovičova č. 12.

ПРЕДПЛАТА:
на рок 12.— К
одно число 1.— К
За границю 20.— К
До Америки..... 1 Д.

ОБЯВЛЕНИЯ
принимаются по днівъ
за 1 сторону .. 200 К
за 1/2 стороны .. 120 К
за 1/4 стороны.. 65 К

Упадокъ отступниковъ.

Изъ Моравіи и Чехіи приносять новинки туту радостну вѣсть, что схизматицкій рухъ меже чехами изъ дня на день слабне. Постоянный ихъ раздоръ, сварки, несогласія суть знаками того, что ческословенска нова вѣра не есть основаніемъ Божіемъ, лишь слабымъ людскимъ. Отъ 1920 года не удалось имъ забрати жадну церковь отъ каѳоликовъ, противно правительство за рядомъ передае ограбленъ церкви въ руки каѳоликовъ. Разъ соединять ся съ протестантами, разъ съ „православными“ сербами, разъ же хотять быти самостойными. Ческое правительство видить, что изъ дня на день уменьшае ся число цирквичкаровъ и однокѣ министры явно говорять, что ческословенска секта не має основы на земли великихъ апостоловъ св. Кирилла и Меѳодія.

Въ Америцѣ еще горше стоять доля схизматиковъ. Соединили ся съ англиканами (лютеранами) золяли ся съ еретиками и у короткій часъ пропадутъ въ великому морю чужихъ народовъ. Лишивъ ихъ епископъ Дзубай, видячи, что конецъ каждой схизмы, — ересь. Онъ еще завчасъ спасть свою душу и оставилъ утопляючійся корабель...

А весь сей упадокъ схизмы походить изъ Россіи. Тамъ большевики, сесь вороги христіянства такъ запановали надъ церковю схизматиковъ, что оденъ россійскій ученый человѣкъ явно выповѣвъ: „Россійску православну церковь побѣдили врата адова; она также не была Христовою Церковю, бо Христову „не одо-

лѣють врата адова“. В Россіи цѣлый циркусъ е въ „православной“ церкви. Въ церквахъ большевики панують, побожность народа высмѣваютъ, епископы меже собою сваряться, другъ друга выкликаютъ, зорганизовали ся ажъ три „православнѣ“ церкви, а народъ не знае, где глядати спасеніе души своей. До того всякѣ секты ростуть, якъ бурянъ и якъ грибы но дождю. Діяволъ ступивъ на церковь руссійску и потоптавъ ногами...

Видячи се наши отступники починають роздумовати: Та сеся tota тверда привославна вѣра? Сеся tota истинна Христова? Сеся, котру такъ розбивъ діяволъ? До того видяль, якъ она роздвоена и туй. Однѣ тягнуть до Дозиєя, другѣ до Венямина, третѣ до Савватія; однѣ до Москви, другѣ до Сербіи, третѣ до Праги. (Ta ачей въ Москвѣ, въ Сербіи, въ Празѣ апостолы жили.) А коли подивлять ся на батюшки, чують ихъ „проповѣди“, видяль ихъ „высоку“ интеллигенцію — та ци не прїде имъ на розумъ, что, ба Христось черезъ сихъ хоче спасти родъ людскій, котрѣ такъ низко стоять въ культурѣ, въ вѣрѣ, въ учености?!

Нѣть! „Православіе“ всягды конае а Христова вѣра поднимается побѣдоносно. Всягде на цѣломъ свѣтѣ, айбо и у насъ. Маєме нового епископа, широго народовця, любителя своего народа и ревнного апостола. Около него организує ся духовенство, народъ и подъ его управлениемъ поднимає ся богобойность русиновъ. Всѣ знаки указують на то, что стоиме на порозѣ красшихъ часовъ и съ нимъ начинає ся нова доба въ житю руського народа.

Вернѣть ся назадъ, о вы оставшѣ Христову Церковь. Звалив ся „тврдый“ муръ россійской-царе-славной церкви. Подъ еѣ руѣнамы стогне нещастный россійскій народъ. Не хпайтесь вы дорогѣ братя насилою въ погибель, вернѣться назадъ безъ сорому, безъ стыду и будеме всѣ однакѣ, члены Христовоѣ Церкви, котру врата адова не перемогли и николи не переможуть.



Наука о вѣрѣ.

§ 13. Пресвята Дѣва Марія.

Пресвята Дѣва Марія, рожденна отъ Іоакима и Анны изъ рода Давида царя, обручница св. Іосифа была *матерію* Іисуса-Христа, Бога-чоловѣка. И понеже въ Христѣ и божество и чловѣчество соединяется въ одной божественной особѣ, съ повнымъ правомъ также именуеся Пресвята Дѣва Марія *Богородицею* и *Матерію Божою*. Такъ до неѣ говоривъ и Гавріилъ Архангель: „*тѣмже и рождаемое свято, нарече го Сынъ Божій*“ [евреизмъ = Сынъ Божій буде] (Лук. 1, 35); се свѣдчать и слова св. Елисаветы: „*Отквадъ мнѣ сіе, да пріидетъ Мати Господа моего ко мнѣ*“ (Лук. 1, 43).

Вже около г. 250 въ уживаню была назва „Богородиця“; Соборъ Ефескій же г. 431 противъ Несторія торжественно выголосивъ, что кто не высповѣдуе, что Пресв. Дѣва Марія есть Богородицею, есть выклятый изъ Церкви.

Из Божоматерного достоинства Пресв. Дѣвы Маріи слѣдує и то, что она зостала дѣвою и въ рождествѣ и по рождествѣ. Се только значить, что Марія зачала Іисуса Христа не людскимъ способомъ, но силою Духа святого. „*Духъ святый найдетъ на тѣ и силл Вышнаго освѣнитъ та*“ (Л. 1, 35). Такъ говорить уже въ Ветхомъ Завѣтѣ пророкъ Исаія: „*Се дѣва въ чревѣ зачнетъ и родитъ Сына, и наречеши имъ ємъ Еммануилъ*“ (Ис. 7, 14). Се есть и постоянна вѣра св. Церкви, кто часто уживае въ пѣсняхъ и молитвахъ церковныхъ, что Пресв. Дѣва „*безъ сѣмени*“ и „*безъ истлѣнія*“ породила Христа Бога. И символъ вѣры выразно каже: *Вѣрю въ єдинаго Господа Іисуса Христа коплотившаго сѧ отъ Духа святого и Маріи Дѣвы и вочловѣчиласѧ*.

Св. Іосифъ бывъ обручникомъ Божої Матери, чтобы сохранивъ честь еї передъ людьми, быв еї сторожомъ и опѣкуномъ ма-

лого Ісуса. Св. Письмо его „праведнымъ“ (Мо. 1, 19) называе, все-ленска Церковъ относится къ нему великою почестю (protodulia) и якъ опѣкуна вселенской Церкви почитае (1870).

Св. Письмо даколи поминае и „братевъ“ Ісуса (Яковъ, Іосифъ, Симонъ, Юда). Но сесѣ не были роднѣ братя Христа, но сины Марії Клеоповой сестры св. Іосифа; были тоже только сродниками Христа. Близкихъ же сродниковъ не только въ єврейской мовѣ, но и въ модерныхъ не разъ называють братями и сестрами.

Пресвята Дѣва Марія изъ особеної ласки Божої сохра-нена была отъ первородного грѣха уже отъ своего зачатія; т. е. душа Пресвятої Дѣви Марії въ первомъ моментѣ своего су-ществованія обдарена была тою благодатію, котру другѣ люде только черезъ св. крещеніе достануть. Се есть непорочное за-чатіе Пресв. Дѣви Марії.

Сіё преимущество мало приходить Пресв. Дѣвѣ Маріѣ, бо не-мыслимое, что тата Марія, котра породила Христа, откупителя отъ грѣховъ и рабства діавола — сама подъ властю грѣха и діавола стояла.

Догмат Непорочного Зачатія опирається на словахъ Прото-евангелія: „И враждѣ полож междѣ тѣбою и междѣ женою и междѣ сѣменемъ твоимъ и междѣ сѣменемъ твоемъ. Той твою блести будетъ глаголъ и ты блести будешъ его патъ“ (Б. 3, 15). По толкованію св. Отцовъ подъ именемъ „жены“ розумѣєся Пресвята Дѣва Марія и подъ „сѣменемъ ея“ Іисусъ Христось кто одкупить родъ людскій изъ рабства діавола. Слѣдовательно „вражда“ меже діаволомъ и Марію мала состояти найменше въ томъ, что Пр. Дѣва Марія и до найменшого часу не стояла подъ властю діавола, т. е. не была осквернена первороднымъ грѣхомъ и лишена Божію благодатію.

Что Марія дѣйстно обдарована была благодатю освящаю-чою еще передъ одкупленіемъ человѣчества, то явно и изъ при-вѣтствующихъ словъ архангела Гавріила: „Радуйся Маріе, bla-годатная Господь съ тобою“, котрѣ слова архангел только изъ повѣренія Божого могъ сказать. Не моглабы Марія называтися благодатною, если бы была находилася въ первородномъ грѣсѣ.

Церковь восточна каѳолическа уже отъ VII-го столѣтія святкує праздникъ „Зачатіе Анны“ 9-го децембра и называе Марію „оди-ною непорочною“ (2 каѳизм. сѣдалень) и еї зачатіе „святымъ и пре-славнымъ“ (3 каѳизм. сѣд.). Изъ Востока перейшовъ сей праздникъ на Западъ вже въ VIII-омъ столѣтію; въ середномъ вѣку непорочное зачатіе было предметомъ великихъ сколастичныхъ споровъ изъ ча-сти найпершихъ богослововъ каѳолической Церкви (св. Вернардъ, св. Єома, Дунсь Скотусъ и т. д.). Тридентскій соборъ выразно вы-скаже, что „не має намѣренія въ опредѣленію о первородномъ грѣсѣ зачисляти и Пресвяту Дѣву Марію“. Года 1708. XI Климентъ розпорядивъ публичное святкованіе Непорочного Зачатія для цѣлой Церкви. Коли же г. 1849. папа IX. Пій до всѣхъ епископовъ поста-вивъ вопросъ въ дѣлѣ выголосенія догмата непорочного зачатія, изъ меже всѣхъ, 543 епископовъ только 18 одповѣдали отрицаючи.

«Коли справа изъ всѣхъ боковъ обговорена была и цѣла Христова Церковь вѣровала въ непорочномъ зачатію Богома-тери — Пій IX, якъ верховный учитель вселенской Церкви 8-го децембра г. 1854, торжественно выголосивъ, что догматъ непо-

рочного зачатія Пресвятої Дѣви Марії находитися въ откровенію Божомъ, слѣдовательно каждый христіянинъ довженъ твердо и постоянно вѣровати.

Се не было заведеніе нѣбы якогось нового члена вѣроисповѣданія — якъ то шизматицка Церковь твердить, лишь торжественнымъ выложеніемъ такой истины, яку христіянска Церковь одъ початку вѣровала. Если се есть заведеніемъ нового догмата, тогда само такъ новый догматъ бывъ въ своеемъ времени: торжественное опредѣленіе Ефезскаго собора (431) о Богоматерствѣ Пресв. Дѣвы Маріи. Догматъ ненорочного зачатія бывъ познاتый и принятый въ руськой Церкви въ 17—18-ахъ столѣтіяхъ, коли профессоры кіевскѣхъ богословской академіи клятвою обязалися защищати сіе ученіе, богословы же товариства основали на честь непорочного зачатія Богоматери. Великѣ богословы восточноѣ Церкви якъ *Лазаръ Барановичъ, Іоаникій Голятовскій, Дем. Ростовскій* и іншѣ въ своихъ творахъ такожъ учили и толковали непорочное зачатіе Маріи. Находиться сей догматъ и въ вѣроисповѣданію „старообрядцевъ“, котрѣ XVI. столѣтія одорвались одъ офиціяльноѣ россійскоѣ Церкви. Изъ „Чети Миней“ только въ XVIII. столѣтію было вычеркнуто на розказъ московскаго патріярха *Іоакима*. (Забужный: Въ защиту вѣры. 1914).

Року 1858. Богъ и чудеснымъ способомъ указавъ правдивость папозо оголошенного догмала. Сама Пресв. Дѣва появилася въ Лурдѣ (Франція) и на питаня одноѣ дѣвчины *Бернадетты* заявила, что она есть „Непорочное Зачатіе“. Одъ того часу тысячѣ чудесныхъ выздоровлеї свѣдчить, что Пресвята Дѣва Марія есть зачата безъ первородного грѣха и что наслѣдникъ св. Петра римскій Отець есть непомильнымъ учителемъ вселенскої Церкви.

Святое Соединеніе.

Теперѣщнимъ часомъ много говориться о вѣрѣ, но тымъ менше дѣєся по вѣрѣ. При семъ найбольше згадуєся унія и православіе, котрѣ слова роздвоили людей, мужовъ отъ жонъ, русина отъ брата русина, родичовъ отъ дѣтей, близкихъ и далекихъ. Но истинное значеніе сихъ словъ мало кто знає изъ русиновъ.

Унія не означає вѣру, то не е вѣра, якъ и православіе не е вѣра, но свойство. Унія означає во нашомъ смыслѣ святу єдноть во св. вѣрѣ, во той вѣрѣ, котру Господь нашъ Іисусъ Христосъ научавъ, котру св. Апостолы проповѣдали и за котру міліоны мучениковъ пострадало! Коли почалося святое единеніе (унія)? Свята Унія почалася тогды, коли *наша вѣра*, ибо Христосъ вѣру всѣмъ проповѣдавъ „ко соединенію вся призвавъ“! Христіянами стали не токмо жиды, но и римляне, греки и другѣ народы. Звычаї, обряды ѿ каждого народа інакѣ были; інакшій бывъ обрядъ у христіяновъ на востоцѣ, інакшій на западѣ. Но они всѣ об'единенѣ были во Христѣ. Се была свята унія. Сіе святое соединеніе провадилося и дальше. Сю святу єдноть укрѣпили святѣ отцы и вселенскѣ соборы, ибо такъ

на востоцѣ, якъ и на западѣ всегда были св. отцы якъ Іоанъ Златоустый, Василій Великій, Григорій Богословъ и пр.; а на западѣ св. Іеронимъ, св. Амброзій, св. Августинъ и др. Сѣ всѣ узнавали ту саму святу Христову вѣру, повиновалися верховному намѣстнику, Петровому наслѣднику, Римскому Отцу.

Велося се ажъ до IX. вѣка, до Фотія. Сей зачавъ розывати святу єдноть, а докончивъ єї Керуларій, сей второй Апостол во XI. вѣку. Симъ перестала свята єдноть во вѣрѣ надовгій часъ. На западѣ вѣра Христова подъ проводомъ св. верховныхъ водительовъ: Римскихъ Отцовъ осталася непорочна и свята. Но не осталася свята на востоцѣ. На востоцѣ одъ сего юдиного роздора надъ вѣрою верховодили недостойнѣ, а много разъ соблазнѣ царѣ и ихъ приверженцѣ: патріархи. Духъ христіянскій зачавъ падати, вѣра зачалася теряти. Сей упадокъ перейшовъ и на Руську Церковь, хотя сія 100 роками позднѣйше оторвалася отъ соборної Церкви. Но, чтобы скрыти упадокъ, восточна Церковь, такъ грецка якъ и руська, присвоила себѣ слово „православна“, нѣбы она все такъ вѣрила, якъ апостолы проповѣдали, а святѣ отцы опредѣляли. Но се не поправило восточну вѣру, ибо одятата галузя зачала вянутi и вянула ажъ до сихъ часовъ, теперь же зачала гнити. Вѣра на востоцѣ упала, нравы одичали, а люде зъ ереси во ересь впадали. Окремъ креста и названя христіянскаго ничъ не осталось. въ ней спасительного. Еще и книги святѣ соблазнили, ибо занесли до нихъ недостойныхъ способъ во станъ святыхъ, якъ и Фотія! Повстали старовѣрцы, безпоповцы, богомолцѣ, старообрядовцѣ, покоѣцы, адвентисты, методисты, народна церковь и въ концѣ большевицка жива церковь.

Зачали таити святое непорочное зачатіе Божоѣ Матери, розрушили святое малженство, невѣрять мытарства, даже и станъ души до воскресенія летаргичнымъ проповѣдують! И ишѣ правды (догмы) вѣры нарушили и нарушаютъ!

Но Христосъ Господь не дармо молився: „Да будуть єдино, якоже и мы“, ибо находилися и находяться всегда богоугоднѣ люде, котрѣ чають и трудяться о возсоединенію святыхъ Церквей. Тадъ о семъ молимеся во всѣхъ отправахъ, а наибльше во безкровной жертвѣ, св. Литургії.

По великому росколу у 200 роковъ истинѣ пастырѣ восточнай Церкви зойшлися першій разъ во Ліонѣ рока 1274-го, потомъ въ Базелѣ, а послѣ во Флоренції: злучити зъ соборною церквю. Но не удалось. Діяволъ такъ заволодѣвъ на востоцѣ, что не стерпѣвъ на довго святу унію!

По сему неудатному соединенію восточна Церковь еще глубше упала. Теперь-же до такого смутного стану дойшла, что жаль и згадовати. Патріархомъ ставъ той, котрій больше плативъ турецкому султану. Патріархи не хотѣли повиноватися святѣйшому Отцу, Папѣ римскому, запановали надъ ними султаны мусульманскѣ, котрѣ не токмо рядили ними, но и надъ житъомъ и смертью владѣли надъ патріархами. Патріархи за-

епископовъ токмо своихъ приверженцевъ поставляли за вели-
къ грошъ, чтобы могли ся одплатити султану. Владыками стали
недостойнѣ тѣгодности люде, якъ и патріархами. Владыки
такожъ за грошъ посвячовали неученыхъ и недостойныхъ особъ
во священики и іеромонахи. Всѣ доходки церкви ишли до епи-
скоповъ, а одтѣ до патріарха для султана.

Изъ сего произойшла цѣлковита деморализація, остатный
упадокъ церковного духа. На пр.: на Руси такое ставалося:
священики и монахи неукѣ, неграмотнѣ были, котрѣ такъ со-
блазненно жили, якъ погане. Священики по звычаю и тричѣ
женилися по свяченю, а притомъ и дальше священиками оста-
вали. Монахи не менше, но еще горше соблазняли вѣрныхъ.
Въ монастыряхъ, де мали монахи по ангелски жити, игумены
съ жонами и дѣтьми перебывали, а при томъ и святѣ отправы
кончили и тайны выслужовали. Се все знали епископы! Но и
самѣ епископы не были безъ соблазни!

Но что дѣявъ народъ? Видѣвшe соблазнь отъ пастырей
и сами соблазни робили. Женилися въ немалженскїй станѣ.
Розправлялися и зовсѣмъ безбожно и розпустно жили и гадали,
что все такъ мае быти. Сѣ дѣйствія и сему подобнѣ, не вы-
думка, но самъ патріархъ константинопольскїй, Іеремія, рока
1589 се зазначивъ собѣ, коли перебывавъ на Руси. Видите,
также сія вѣра мертвa есть!

Но яко всегда въ найнебезпечномъ часѣ явиться спаси-
тель, такъ и на Руси во сей добѣ являться спасителѣ Христо-
вого стада, святѣ мужѣ, якъ Михаилъ Рагоза, Ипатій Потѣй и
Кириллъ Терлицкій, котрѣ рѣшительно задумали потопаючій-
корабль стада Христова завести въ пристань Христового На-
мѣстника, возобновити святое соединеніе, завязати унію. По
тяжкихъ трудахъ и удалось се рока 1596-го въ Берестѣ. Само
такѣ подѣи дѣялися и у насъ на Подкарпатской Руси, котрѣ
такъ тронули сердца вѣрныхъ пастырей зполучитися зъ исти-
ною Церковью Христовою; се сталося въ Ужгородѣ р. 1646.

Также руська православна каѳолическа церковь уже 300 ро-
ковъ, якъ навернулася до единоѣ, соборноѣ и апостолскоѣ
Церкви, зъ котрою была въ соединенію отъ початка, е доны-
нѣ и не одорвесь во вѣки!

Что сталося съ несобединеною Церковю? Схизма, ра-
скольна Церковь въ своеи смутномъ положеню и на дальше
остала и до горшого дойшла! „Страшно єсть еже оуласти къ
ѹвки Бога жикего“ — учить насъ св. письмо. Богъ терпеливо
чекавъ на наверненія заблудшоѣ Церкви, но часъ минувъ, а
Господь воздавъ имъ по ихъ заслугамъ! Божа помста достигла
ихъ! Въ Греціи запановавъ турокъ въ року 1453; знищивъ
всякѣ христіянскѣ учрежденія, церкви переробивъ въ мечсты,
турецкѣ бужнѣ! Множество христіянъ вырѣзано и такъ зни-
щено ихъ, что и до нынѣ славный коли-то грецкій народъ по-
неволеній. А Царьгородъ, святий городъ, ставъ Стамбуломъ,
басурманскимъ метрополисомъ!

В Россіи чось подобно, но въ горшой и большой мѣрѣ стало!

Та фальшива православна, воистину царьославна вѣра лишь порожное имя христіянское мала, ибо въ народѣ вѣра замерзла, а сердце закаменѣло подъ царизмомъ. Царь пановавъ надъ всѣми, надъ тѣломъ и душою, онъ управлявъ и церковю! Весь священическій и монашескій чинъ бывъ царю подданный, онъ владѣвъ ними, ему служили!

А душѣ погибали! — бо выйшли изъ вѣры! Тадь чулисме, но и видѣли нашѣ военноплѣнники ихъ житя христіянское. Люде выйшли изъ вѣры, изъ блуда въ блудъ впадали, въ не-дѣлю и свято церкви порожнѣ ставали, а вѣрники робили и грѣшили. Но Богъ и имъ не оставъ довженъ. Напустивъ на Россію большевизм, погубивъ царя и покараравъ народъ безбожный!

Горше ихъ покараравъ большевизмъ, якъ турокъ грековъ. Справдѣ на нихъ ся сповнило то, что писано въ псалтыри: „Песла на на гнѣвѣ гарости ское“... ибо „искѹсиша и преогорчиша Бога кышнаго“.

Но изъ симъ не е ще конця схизмѣ. Изъ большевицкого краю дакотрымъ птахамъ удалось утѣкнути. Изъ тыхъ воронъ и до насъ залетѣли якѣсь и принесли труны тоѣ до нась, обманюючи народъ нѣбы то правдива вѣра, о которыхъ каже св. Писаніе, что „Мнозѣ прїйдуть во імя моє“ — и многѣ прелѣстя! — заблудять! И такъ е, многѣ повѣрили имъ, отступили отъ пути праведного „и далися ко снѣдѣ“ вовкамъ мысленнымъ. Такъ далеко стоитъ россійска схизматицка вѣра отъ Христовоѣ, нашоѣ православної вѣры, якъ отъ молока дзерѣ-зваренина! Чорнѣ тотѣ души, что проповѣдують сей раздоръ, подивѣться имъ до очей и здогадаетесь пя Христовѣ слова: „Свѣтильникъ тѣлѣ есть око, аще око твоє лѣкаво будѣтъ, все тѣло твоє темное будѣтъ“! И якѣ въ нихъ очи, така душа и дѣло! Страшнѣ, ужаснѣ! Маєме способъ удостовѣритися про ихъ дѣла, изъ того можъ упознати ихъ вѣру. Ихъ предки противились Духу святому, не приняли святое соединеніе, но навпаки, нищили то и убивали соединеныхъ. Многихъ бодрихъ душъ удостоили мученичоѣ смерти. Межи ними найславнѣйший е священомученикъ Іосафатъ, архіепископъ полоцкій, котрого спередъ 300 роками замучили схизматики за святу унію!

Саму ту братоубійственную борьбу занесли и до насъ — съ враги правды — и ту душегубну заразу ширять межи нами.


„Варуймeseя отъ нихъ, они наповнены всякої лести и злобы“... ибо Богъ и надъ нами помститься, якъ надъ всѣми отступниками; но молѣмся такъ за себе, якъ и за нашихъ братовъ: „Ты, Господи, сохраниши и съблудиши ны отъ рода сего и во вѣкъ“.

Но треба намъ еще щирійше молитися ко Господу: „Да изведеся дѣлателей на жатвѣ, бо жатва оуго многа, дѣлате-

лѣй же мало“! Чтобы давъ Богъ много щирыхъ пастырей, достойныхъ священиковъ и даръ святого Духа въ вѣрнѣ сердца людскѣ, чтобы противостояли искусам.

Также святое соединеніе было, есть и буде. Дерзайте, бодрствуйте братъя! Діяволь намъ не вредить, если отдаляемеся отъ него, но поглотить насть, если къ нему приближатися будеме!

Д. М.



Святѣ образы честовати не только свободно, но и дуже похвальное дѣло. Кто въ семъ идолопоклонство видить — якъ о. батько Hazy — то уже далеко оталився отъ христіянства. Бо:

1. Каждый чоловѣкъ честує образъ своей матери, або отця умершаго. Не добра дѣтина, котра зневажає образъ своихъ родичов, бо симъ лишь то укаже, что не любила и не честовала своихъ родичов.

2. Коли мы, христіяns, св. образы честуєме, симъ оддаваеме честь не той матери (дерево, полотно, фарба) образа, но той особѣ, котра на немъ изображена. Се знає кожда дѣтина, котра училася въ школѣ катехизма.

3. Давнѣ христіяне такожъ отдавали почесть св. образамъ; въ катакомбахъ, въ подземныхъ коридорахъ изъ первѣстныхъ столѣтій найшли св. образы на гробахъ мучениковъ. Что робили першѣ христіяне, котрѣ видѣли Христа, видѣли св. апостоловъ и чули ихъ науки — то ачей не може быти балванопоклонство?

4. Седмий вселенскій соборъ (787) утвердивъ сей красный и похвальный звычай христіянъ, коли для цѣлоѣ Церкви выповѣвъ, что почитаніе св. образовъ есть похвальное дѣло и милое передъ Богомъ.

5. Нашъ руській народъ съ особливою почестію относиться къ честованію св. образовъ. Не е руськоѣ хаты, где не висѣвъ бы на стѣнѣ образъ Спасителя або Пречистоѣ Дѣвы Ма-

ріи и святихъ. Церкви наши повнъ прекрасными образами и злобный, лукавый має быти той чоловѣкъ, кто знищити хотѣвъ бы сей милый обычай нашего вѣрного народа.

А вы, о. Hazy, се хотите! Хочете, чтобы нашъ народъ вывергъ изъ своеї хаты образы святѣ. Но на семъ дармо мудруете! Русинъ бывъ, е и буде почитателемъ образовъ Спасителя, Пречистої Дѣвы и святихъ. Не откажеся нихъ и за ваши юдины доллары!

Схизматики и въ Терешулѣ (ж. Марм.) хотѣли насилою захпatisя въ нашу церковь. Но наши вѣрники смѣло противостояли и ревно защищали домъ молитвы противъ насильствій нововѣрцовъ. Тогда схизматики — думаючи, что головнослужный на ихъ сторонѣ — законнымъ путемъ попробовали забрати чужое майно. Но яко схизматикамъ не ведеся, коли чтось законнымъ путемъ хотять достигнути, Головнослужный урядъ въ Тересвѣ 6-го октября рока 1923. (ч. I. —23603 23) выповѣвъ, что схизматики до церкви жадного права не мають и не смѣють нарушати правъ греко-каѳоликовъ, что до уживаня церкви.

Но схизматики апелловали. Апелляція пошла до жупанскаго уряда въ Великомъ Севлюшѣ, где зновъ указалось, что схизматики съ закономъ не мають щастя.

**Жупанскій урядъ 24-го юня 1924 рока подъ чи-
сломъ С. j. III. 892 adm—24** потвердивъ рѣшеніе головнослужного уряда и отвергъ апелляцію схизматиковъ.

Такъ-то походять схизматики, коли законно хотять ограбляти наші церкви. Имъ удаєся забрати наши маєтки лишь терроромъ, насильствiemъ, кровопролитiemъ и подобными беззаконіями. Но правда на конци має ся выяснити, а отступники мають свою кару достати. „Не укради“ есть основнымъ закономъ не только Божого міра, но и фундаментомъ законовъ ческословенскої республики.

Радостно витаеме сіє рѣшеніе головнослужного уряда и пожадаеме, чтобы на примѣръ Терешульскій всѣ наши церкви были наверненѣ подобными рѣшеніями.

Изъ шизматицкого раю.

Копашанскій батюхъ Юра Кенизъ видить уже добрѣ, въ якое болото завювъ своихъ (а не Христовыхъ) вѣрниковъ; изъ котрого не чтобы онъ ся своимъ бохтерскимъ розумомъ, ай и пять фишкаррошовъ наймудрѣйшихъ не вытягнутъ. Въ блудъ легко завести людей, айбо вытягнути ихъ ажъ бы три вѣки живъ не буде годенъ. Бо судъ уже въ имени Республики выголосеный, а если не нынѣ, та завтра, ажъ не завтра, та черезъ рокъ або два мусять заплатити, або отсидѣти. Не оденъ

кенизянина въ грунтовыхъ книгахъ лишить свой памятникъ на потомковъ, якъ то было, коли ся давъ звести бохтерскимъ розумомъ.

Отецъ Кенизъ уже ся жалуе въ проповѣдяхъ, что не хотять ему платити по 10—20 Кч, а онъ за нихъ довженъ 13.000 коронъ! А окремъ сего „приростку“ церковь подъ схизматицкимъ газдованіемъ уже тече, обклады около фары, школы, церкви уже знищенъ, лишь десь-не-десь еще по еден старый дубовый пень стремить... муръ передъ церковю розпався, при фарѣ воварня, пчолинокъ, два хлѣвы цѣлкомъ уничтоженъ суть. А где суть 3 рочнѣ доходки за церковнѣ, школьнѣ и фарскѣ земли и приносъ изъ церковного млина? А однакожъ Кенизъ хоче и тыхъ 13.000 коронъ разметати на своихъ вѣрниковъ! А окрем сего хоче и церковнѣ землѣ и млин пустити на продажъ!

Боже терпеливый! Наши предки збудовали будинки, поправляли старыхъ, а еще и прикуповали маєтки на Божу славу, а сесѣ лишь все марнятъ. Если бы упокоившъ наши боголюбивъ предки теперь воскресли и увидѣли бы, что зъ тымъ майномъ е, назадъ бы ся въ землю просили. Знаеме, что схизма майже всюди великъ шкоды причинила въ церковныхъ маєткахъ, айбо такихъ, якъ въ Копашньовѣ майже нигде нѣть. Дорогъ люде! Подивѣтесь на totы села, где люде не далися обманути неучеными бохтерами, шустрами, кочишами, позосталися в давной гр.-каѳ. православной вѣрѣ, въ якомъ порядку тамъ суть церковнѣ маєтки! (Якъ въ Золотаревѣ, въ Драговѣ и т. д.).

Въ Копашньовѣ уже многъ изъ шизматиковъ-першинаровъ не ходять до церкви идѣ пану бохтерови и хвалять тыхъ розумъ, котрѣ и не рушилися изъ староѣ правдивої вѣры. Невиноватъ, но обманенъ нововѣрцѣ, знаеме мы добре, что въ собѣ всѣ вы уже признаете, что не добре вы зробили и жалуете уже всѣ (окремъ тыхъ, котрѣ изъ того жіють), лишь ганьбитеся навернути. Айбо зложѣть ганьбу и соромъ, бо горе вамъ, если въ грѣхахъ умрете!

Бо теперь уже и вы сами видите, что Юрко Кенизъ лишь кавками перераджовавъ васъ на отступництво. Говоривъ вамъ, что греко-каѳолическѣ священники не суть правдивъ, бо все голоднѣ, все имъ мало; въ кочахъ пробѣгаються, глупымъ русинамъ руки собѣ дають цѣловати, паастасы и задушнѣ суботы выгадали, что они лишь наемники, бо Божій слуга не має платню просити, его платня изъ неба, а лишь изъ престола має жити и т. д.

А Юрко что робивъ, коли ставъ батюхомъ? Такой перший день давъ руки собѣ цѣловати, за крещеніе дѣтей бравъ по 5 кор., выкликавъ въ церкви, что и мертвымъ чось треба, айбо срѣбля не несѣть, бо на другій свѣтъ того не треба, ай май волѣете якого зерна нести” (бо знає, что зерно больше стоять, якъ 20-30 геллеровъ, або и 1 корона), общѣ паастасы кончивъ въ цвінтаряхъ, обы несли брынзу (бо ссе уже и мертвѣ поїдять, а срѣбло—нѣт). Передъ тымъ кочю лишь на до-

розѣ видѣвъ, а теперь уже и онъ на кочіи возиться. Уже треба му и фарскѣ землѣ и древа нести и рубати треба, помало ужѣ больше треба бояхтерови, як законным и ученым священикам.

О братя, братя! Якого изъ васъ дурня робивъ, а вы все ото держали за правду, якъ бы были'сте его не знали отъ малу. Онъ уже отъ васъ хоче утѣкати, бо видить, что не вылѣзє изъ болота и завчасу приготовляє своего новѣйшого клерика Крайчъря.

Теперь онъ на томъ мудруе, чтобы его люде насилою выгнали изъ села. Зато не дозволяе, чтобы молодь зъ гуслями свадьбовала и веселилася, заказавъ въ церкви, что жидамъ не свободно коровы давати доити въ суботу, престолъ изъ церкви давъ выметати и занесъ простый деревянный столь, что самъ посвятивъ, заказавъ въ церкви молитися, бо каже, службу Божу слухати треба, уніяты—то не братя и не ближнѣ наши, Слава Іисусу Христу не треба кланятися, бо то папиши выгадали и т. д.

Я се все написавъ, чтобы честнѣ люде варовалися отъ такихъ пророковъ, котрѣ лишь бѣду приносять на шею бѣдного русина, а коли завели ихъ въ баламуту, лишать своихъ вѣрниковъ въ ганьбѣ и соромѣ. Держтесь разуму, честнѣ русины и не дайтесь звести ложными обѣцянками и дурницями шизматицкихъ агитаторов.

Мих. Гелебан,

правосл. христіянинъ, а не шизматикъ.

Не удалася злоба шизматицка. Еще передъ праздникомъ Рождества св. Іоанна якійсь безбожникъ въ Рускомъ скосивъ тенгерию гр.-кає. духовника. Се есть знакъ того, что, до чого допускаются люде, котрѣ отрекуться своеї вѣры и ненависть носять въ своихъ сердцахъ. Священикъ хотя знатъ виновника, не хотѣвъ его заправотити, бо каже доста заправоченый онъ за сей злочинъ у всевышнаго Бога, отъ которого и кару свою необходимо достане. Но Богъ небесный уже на семъ свѣтѣ заступае своихъ и головно тыхъ, которымъ за Его святу вѣру треба терпѣти. *Бо тенгериця скошена передъ двома мѣсяцами почала красно обновлятися и рости, а теперь уже находяться цѣлкомъ пристиглѣ стручки на ней. Богъ моцнѣйший, якъ злоба людска...*

„Кождый послѣ воли сердца своего най дає милостыню и причиняє ся до удержання священиковъ, не съ неохотою, и не изъ примусу, бо доброхотного дателя любить Богъ. А Богъ силенъ есть надгородити вамъ тов всякою благодатию въ рѣчахъ духовныхъ и тѣлесныхъ, чтобы вы маючи всегда въ всѣмъ всякий достатокъ, могли много доброго здѣлати и на вѣчное спасеніе собѣ заслужити.“ (Апост. на 18. недѣлю).



Источникъ благодати.

Вечерня уже ся минула... Въ церкви все тихо: лишь передъ найсвятѣйшою Евхаристією горить свѣтло и даськолько людей умоляютъ подъ видомъ просфоры присутнаго Христа Бога.

Священикъ въ сповѣдальници сповѣдае вѣрниковъ, котрѣ кождоѣ суботы очищають душу свою и въ недѣлю накормляють еї тѣломъ и кровю Христа. Кожда душа около сповѣдальници лишь съ собою занята; молясь ся, грѣхи свои зновъ и зновъ пожалують обѣдають полѣпшаніе житя, то боязлово, то стисненны сердцемъ, но всетаки ледви чекаючи, коли на нихъ прїде рядъ стати на колѣнки передъ слугою Бога.

Меже сповѣдниками на послѣдномъ мѣстѣ стоить одна дѣвчина. Она поздо пришла, бо въ фабрицѣ въ шестой годинѣ докончае ся робота, а она еще мала чтось до роботы въ городѣ. На конди и она стала на колѣнки въ сповѣдальници.

Берта — девятынадцать рочна дѣвка есть доњкою одного роботника изъ фабрики. Мати єї что до вѣры ровнодушна; не мае радостн въ молитвѣ, не радо слухае св. проповѣдь, не читає христіянскѣ книжки и до церкви лишь на великѣ праздники ходить. Въ такомъ дусѣ выховала она и свои дѣти.

Еї мужъ, отець Берты еще горшій. Можетъ что бывъ бы бывъ изъ него побожный чоловѣкъ коло одної богобойної жоны, но такъ уже давно безъ Бога жіе. Каждый день въ корчмѣ меже роспустными товаришами, читає противхристіянскѣ газеты, слухае безбожнѣ, паскуднѣ бесѣды, и промарньюе грошъ, на которыхъ такъ велика потреба дома.

Въ хижѣ кождый день сварка, суeta, сестры Берты безряднѣ, нечемнѣ, такъ что и сусѣды далеко держать ся отъ хижи роботника.

Одноко Берта есть бѣлымъ ангеломъ дома. Она працює въ фабрицѣ, однакожъ кождого мѣсяця высповѣдає ся, ходить до церкви и дома добожно молиться. За се часто

высмѣе еї стець и зневажає еї, но она, якъ тверда стѣна не отступає отъ дороги ведучої до Бога.

Коли скончила ся сповѣдь, священикъ оставилъ сповѣдальницю, помолиться коротко передъ Евхаристією и выходить изъ церкви. На сию минуту чекала Берта. Подхопитъ ся и она и иде за священикомъ.

Подъ симъ часомъ Бертинь отецъ въ корчмѣ сидѣвъ съ своими товаришами. Блѣдый, зворушеный, разъ боязливый, разъ упертый бывъ выглядѣ его лица. Разъ лишь подхопитъ ся, выпіє погаръ паленки и закричить:

— „Маршъ, маршъ! Гурра, принесѣть нову фляшку, я дале и такъ нѣ хочу жити.“

— Что хочешь дѣлать? Звѣдалися товариши. — А чай не хочешь ся повѣсити?

— Можетъ ся stati и то. Если люде такъ обходяться, якъ съ мною, все злое, все нещастя, всю бѣду звалять на мене — може то иншакъ быти?! Можетъ чоловѣкъ жити, коли отъ голоду треба умерати, коли чоловѣка выметаютъ на улицю, коли всѣ псы на одного нападуть...

— А особливо тѣ попы — добавъ еденъ товаришъ.

— Айбо что ты ся стало? — звѣдае оденъ другій.

— Конецъ вшиткому! Завтра мушу выйти изъ хижи, аренду не могу заплатити, заправотили мене за довгъ склепарь, шустерь, мясарошъ всѣ противъ мене. Якъ бѣснѣ псы.

— Се все зробили попы. Они въ сповѣди выслушаютъ грѣхи людскѣ. И твоя Берта все ходить сповѣдати ся; може, что она дачто выповѣла на тебе; а попы розносили, что у тебе дѣє ся.

— Моя Берта? На се я до теперъ и не думавъ. Айбо такъ е. Она все разповѣдала священикови, а священикъ уже знає свою роботу. Правду маешь попы завели мене у сесю бѣду!

— Днесъ она зновъ была у церкви сповѣдатися — казавъ оденъ изъ товаришовъ — а потому пошла зъ священикомъ на фару.

— Кто?

— Твоя Берта. Моя жона видѣла и соблазнилася, что глядае дѣвчина вечеромъ на фаръ? Ты еї отецъ, ты сего не мусишь терпѣти!

Бертинь отецъ на се не казавъ ничъ; но выглядавъ страшно; стаканъ за стаканомъ выпорожнивавъ, а около 10-ой годинѣ пошовъ дому.

*

Жона его уже въ постели была а Берта на машинѣ пила. Она отворила дверъ отдови и поздоровляла его.

Онъ остро подививъ ся на неї и позвѣдавъ:

— Была ты днесь вечеръ у попа? — Такъ, я днесь сповѣдала ся, казала она.

— Потомъ пошла на фару?

— Отче я мала чтось съ отцомъ духовнымъ до бѣсѣды. Казала она, но въ голосѣ еї чути было, что чтось затаити хоче.

— А священикъ вызвѣдавъ тебе о мнѣ?

Мовчанье. —

— А ты при сповѣди говорила за мене?

— Отчику мой милый, не говорили сменичъ подлое за тебе!

— И ты се менѣ смѣешь въ очи казати — закричавъ люто, въ повномъ гнѣву отець. — Моглисте вы о мнѣ иншое, якъ плохое говорити? И ты хочешъ моя доњка быти, ты богобойна, ты ся сповѣдашъ — ты зрадничка, ты гадина, ты мене зрадила попамъ, ты мене згубила цѣлькомъ, туй маешь платню, на... на...

Не хочеме продовжати дальше, что ся дѣяло дальше меже отцомъ и доњкою. Плачуши съ повнимъ болю сердцемъ пошла дѣвица въ свою коморку — а піаный отець лягъ на постель и заспавъ заразъ.

Пробудивъ ся рано о 4-ой годинѣ. Утямивъ, что не зверъ изъ себе верхнєе платя, помало пришло му въ гадку, что было вчера, подумавъ на свою велику бѣду, на свое отчаяніе. Злый духъ цѣлькомъ запановавъ надъ нимъ и шептавъ ему темнѣ, діяволскѣ слова. Теперь у ночи, въ темнотѣ, коли никто не увидить зроблю собѣ конець. Начто жити и дале бѣдовати. Вставъ и рушився на „посѣдну дорогу.“

Тихенько ишовъ вонь изъ хижы. Разъ лишь жона пробудила ся и одозвалася:

Уважай, чтобысь не зверъ гроши изъ скрини.

— Гроши? Якѣ гроши?

— То что тамъ лежать на зеркалѣ.

— Чиѣ?

— Наши. Не казала тебѣ Берта.

— Дай менѣ покой зъ Бертою, казавъ сердито роботникъ.

Подъ тымъ часомъ разсвѣтавъ день и можно было видѣти на скринѣ много грошей, срѣберныхъ, папѣровыхъ, дробныхъ...

А роботникъ лишь дивить ся; дивить ся и слухае что говорить жона:

— Берта, то одна честна дѣвка. Днесь вечеръ пошла до пана превелебного, споносовала 'му наше тяжкое положеніе, а добродушный отецъ духовный заразъ вынявъ гроши и передавъ еї сесю сумму. Теперь можеме всѣ наши довги выплатити а еще зостане намъ доста. Я нигда бы не думала, что она така честна. Айбо тихѣ воды, то глубокѣ.

— Такъ, такъ — морконѣе роботникъ подъ носомъ, уже пѣлкомъ вытврзеный. И хотѣвъ выйти изъ комнаты, айбо чтось такъ тягне его до комнаты дѣтей.

Якъ отворить комнату — передъ образомъ Пречистої Дѣвы клячае Берта. Руки положенѣ на столъ, голова склонена, а кровь еще все тече изъ носа, изъ головы небогоѣ...

Страшнымъ крикомъ упавъ на дѣвку свою нещастный отецъ, думаючи, что дѣвка умерла. Теперь встала доњка и попозерала покровавненнымъ лицемъ на своего отца. Сей хотѣвъ єї поцѣловати — но не смѣвъ. „Нѣтъ, я на то недостойный“. Все что могъ сказать, было лишь только:

Берто, доњко моя солодка, по сьому все иншакъ буде.

Въ слѣдуючу недѣлю Берта съ своимъ отцемъ тамъ были на фарѣ. Отецъ съ слезами въ очахъ подяковавъ велику ласку и доброту отца духовного...

Берта днесъ въ монастырѣ є, якъ монахиня; а отецъ цѣлькомъ залишивъ корчму и злыхъ товаришовъ, котрѣ такъ обклеветаютъ священиковъ Христа. Мати умерла — а сестрыступили въ слѣдъ Берты и часто видати ихъ около сповѣданьници. Всѣ знаютъ, что сповѣдь єї была и буде источникомъ великої благодати Божої.

Архипастырска подорожъ е-па Петра въ Марамороши.

Его Преосвященство, напѣ Епископъ П е т р о поводомъ своеї первої архип. подорожи до Марамороша, дня 13., 14. и 15. сентября, г. т. посѣтивъ слѣдуючѣ приходы и села:

Дня 13. IX.: Вел. Севлюшъ, Вел.- и Мала Копаня, Буштинъ, Тячево, Тересву, Терново, Ганичи, Калина, Дубовое, гдѣ отцѣ Чина св. Вас. Вел. св. Миссію держали.

Дня 14. IX.: Въ Дубовомъ торжественна архіерейска св. Литургія была и посвященіе Миссійного Креста — Полудню посѣтивъ: Новоселіцю, Нересницю, Вулховцѣ, Нягово, Бѣловарець, Бедевлю.

Дня 15. IX.: Въ Буштинѣ была архіерейска св. Литургія. Сего дня посѣтивъ Преосв. епископъ еще: Урмезіово, Саддобошъ, Хустъ, Т. Уйгель и Т. Вулок. Т. е. совокупно 21 селъ.

Его Преосвященство сопровождали: о. Станкай каноникъ, о. Стойка секретарь, о. архидіаконъ Егрешій, начальникъ тересанскаго округа др. Дюричъ, и инж. Авг. Стрипскій, управитель лѣсної дирекції.

Вѣрники повсюду торжественно з бандеріями, огромными двѣтными букетами и безграничнымъ одушевленіемъ принимали и привѣтствовали Его Преосвященство, якъ

Рок 1924.

„БЛАГОВѢСТИК“

Сторона 253.

апостола и своего „руського Епискоша“ и то не лишь духовники и вѣрники его, но вся интелигенція и обывателъ безъ огляду на вѣроисповѣданіе, якъ тоже и представителъ админастрації, межи сими на первомъ иѣстѣ споминаеме пана др-а Вранія жупана Мараморошского.

Поведенъе вѣрниковъ припоминало первый вѣкъ християнства: съ слезами въ очахъ и голоснымъ плачемъ одъ радости выражали повсюду свою неограничену любовь, привязанность и непоколебиму вѣру на только, что если потребно, еще и жизнею своею готовъ жертвовати за вѣру свою греко-кафт., а начальники и представителъ админастрації съ наибольшою членностію одношалися къ Епископу повсюду.

А Епископъ съ горячою любовію къ своему русскому народу и къ своимъ вѣрникамъ душевною теплотою съ блестающимъ лицемъ одушевленно отвѣтавъ на привѣты вѣрниковъ своихъ обнимающихъ своего любимого отца, который обеспечивъ ихъ, что сердечно ирадостно готовый принятии къ своему отцевскому сердцу и заблудившихъ, если искренно будуть приближатися.

И вообще напоминаявъ на привязанность къ св. Матери Церкви и къ нашему милому отечеству, къ Чесл. Республицѣ и къ ей представителю, славному Президенту подчеркнувшему, что вѣра наша св. всегда воззывае вѣрниковъ на повинованіе власти, ибо кто добрый вѣрникъ, тотъ разомъ и добрымъ патріотомъ мае быти.

Безсторонніз особы говорили, что уже многи ходили въ Марамарошии изъ урядовыхъ особъ, но до сихъ порѣ еще не была така радость и одушевленіе, якъ теперь, при первой подорожи „руського епископа.“

И такъ съ повною увѣренностью наибольшѣ успѣхи и послѣдствія можно чекати. *И теперь достойно ожидаеме, чтобы и цив. власти проуказали свою прихильну дѣятельность, чтобы дзвоны насильственно ограбленыхъ церквей, теперь нѣмо принимаючъ Епископа: опять голосили при будучомъ посвѣщенію Его, чтобы было „Едино стадо и одинъ Пастырь!“ и почитаніе законовъ!*

Теперь — такуказуясь — начинае приходити въ нашей милой Подкарп. Руси правда консолидација!

О. Епископъ еще и не выпочинувъ свои труды, но уже о новомъ путешествіи раздумує, ибо подъ короткимъ часомъ посѣтить цѣлу свою Епархію.

Да благословитъ тя Господъ отъ Сиона — Владыко — и укриши благая Іерусалима въ вся дни юсивота Твоего!

На многая лѣта Владыко!!!!

Присутній.

ВСЯЧИНА

Добрый лѣкъ. До св. Винкентія прійшла разъ одна жона та дуже горько жаловалася на своего мужа, что ворчаливый та нагле гнѣвається; не можно вже зъ нимъ вытрамати... кобы могъ ей лати якое небудь средство, зъ котрымъ моглабы спокой зась вернути до своеї хаты.

„Иди до монастыря нашего“, одповѣвъ ей Святый, „та будешь казати привратнику-братчикови, чтобы ти давъ изъ монастырского колодязя мало воды. Коли пакъ мужъ твой ірійде дому, ты тогда возьмешь глоточокъ воды тоѣ въ ротъ. Подержишъ ѳ осторожно въ ротъ и будешь чудо видѣти“.

Что святый розказав, жона того зробила вѣрно. Мужъ прийшовъ вечеромъ дому; запановали надъ нимъ уныніе и нетерпеливость. А жона ухопила скоренько глоточокъ таемноѣ воды въ ротъ и притисла губу до губы, чтобы годна чудесну воду добрѣ подержати въ ротѣ.

По правдѣ! Мужъ заразъ умовкъ. И нынѣ скоро минула ся буря.

Жона еще и большеразъ попробовала свой таемный способъ: та все съ подобнымъ чудеснымъ успѣхомъ! Чоловѣкъ — якбы лишь вымѣняли 'го: начав говорити зась любовию со шею и даже хваливъ еѣ кротость и терпеливость.

Жона, отъ перемѣны чувства своего мужа совсѣмъ блаженна, прибѣгла идѣ святому та изъ повною радостію извѣстила усіхъ чудесного средства.

„Мила сестро“, говорив ей святый Викентій зъ смѣхомъ. „Сесе чудо не тата вода зробила изъ котроѣ я розказавъ дати тобѣ, но твоя мовчливость. Ты переже со твоими одповѣдями мужа твого розсердила и мовчливостію учинила 'го благимъ“.

Еще и днесъ ходить пословиця между Венеціянами така: „Пий изъ воды св. Винкентія“.

Чтобы было, еслибы и мы десь қолись покушали глоточокъ сеѣ чудноѣ воды? Находиться и въ твоемъ колодязѣ.

(Wahre Gottsucher, II. 22).

Меѳодисты. Они хотять углубити христіянство черезъ новый способъ, черезъ нову меѳоду въ молитвѣ, въ богослуженію и въ приобрѣтенію новыхъ членовъ.

Они походять отъ англиканскоѣ державноѣ церкви, зато они въ вѣрѣ держать ся до Кальвина и до того догмата, что Богъ уже навпередъ осудивъ одныхъ на вѣчное блаженство, другихъ на вѣчное пекло.

Ихъ основателемъ е Иванъ и Карло Веслей (Wesley) и Георгій (Whitefield) въ серединѣ 18-го столѣтія.

Они зпершу не хотѣли одорвати ся одъ державноъ въры Англіи; но Англичане не пущали ихъ до церквей и они почали передъ церквами, на площеади проповѣдати. Они звертали ся на самъ передъ до худобныхъ людей, до залишенихъ, до пяниць, котрѣ дуже радо принимали ихъ. Се бывъ початокъ ихъ дѣйствія, что продовжають и днесъ.

Углубленіе життя они досягати намѣряють черезъ частъ сходины, черезъ публичну исповѣдь грѣховъ, и черезъ взаемну помочь въ духовномъ житю и черезъ совѣщанія о духовномъ положенію вѣрниковъ. Кождого третього мѣсяця мають одно великое собраніе, коли возбуждають въ себѣ чувство жалю. У кого являє ся сіе чувство, то получить Божу благодать. Такъ дѣйствує „Духъ“, совершенство уже въ семъ животѣ. *Кто належить до сихъ „избранныхъ“, той уже не може большие грѣшити.* Онъ спасеный. Се есть ихъ грубый себебманъ.

Мѣстныи проповѣдниками суть простѣ люде, котрѣ продовжають свое домашньюе занятіе. Лишь подорожнѣ проповѣдники считають ся священиками. Найвысша рада состоить изъ одного пасторальнаго отдѣла (изъ самыхъ священиковъ) и изъ одного репрезентатичнаго отдѣла (изъ большоѣ части свѣтскѣ люде). Черезъ то, что они въ церковной справѣ участъ даютъ и свѣтскимъ елементамъ, многихъ идѣ собѣ притягають. Суть у нихъ двѣ фракціи; однѣ изъ нихъ держать ся до умѣркованного Кальвишизма, другѣ же до старого. Ученый свѣтъ далеко держить ся отъ мѣодистовъ.

Изъ всѣхъ мѣодистовъ (18. мил.) больша часть (13 мил.) живе въ Америцѣ. Они выступаютъ всягды дуже крикливо. За се не суть приятными передъ людьми. (Klipъ u. klag 300.)

НОВОСТИ

— **Посвященіе новоѣ церкви на Колчово-Дlugомъ.**
Дня 28-го авгуаста на Успеніе одбывся прекрасный отпustъ на Колчово-Дlugомъ, где выбудована нова церковь на честь Богоматери. Изъ церкви теперь еще лишь одна часть готова и понеже оба вѣроисповѣданія подали жертвы, также и вѣдно молятся къ Пречистой Дѣвѣ Марії. Уже 25-го много народа прійшло на посвященіе, и число вѣрниковъ съ дня на день росло, такъ же въ день праздника около 40 тысячъ вѣрниковъ было. 28-го рано тожественно посвятивъ нову церковь и нашъ алтарь окружный намѣстникъ, Адалбертъ Дудичъ съ ассистенцію священиковъ: о. Емиліана Петакъ, о. Василія Ляховичъ, о. Федора Федашъ, о. Алексія Кубекъ, о. Михаила Дюришинъ, о. Александра Гладоникъ, о.

Десидера Митро, о. Іоанна Желтвай, о. Юлія Пуканъ и молодыхъ клериковъ Василія Сливка и Гооргія Егрешій. На конци літургії намѣстникъ прочитавъ благодарственный листъ Еп, Правительства и одушевленну бесѣду державъ благодаряще и мѣстного духовника за ихъ трудъ. Святу проповѣдь держали: о. Ем. Петахъ, о. Михайлъ Дюришинъ, о. Вас. Ляховичъ, о. Десидерій Митро, о. Іоанъ Желтвай. Николи не забуде сей красный праздникъ тотъ, который притомнымъ бывъ, а хотя все еще не готово, но съ помощью Божією на будущій годъ уже будуть готовы и звоны, чтобы на всѣ стороны голосили честь Пречистой Дѣвѣ Марії.

— **Борьба за вѣру.** Новый соціалистичный министр-президентъ въ Франції Herriot (жидъ) хотѣвъ запровадити въ освобождену Elsas-Lotharigi-у тоты противъроисловѣданнъ заксны, что въ уживанію суть въ Франції. То есть разпустити монастырѣ, церковнѣ школы передати державѣ, религію выверечи изъ школы, и запровадити туда такъ учебники, въ которыхъ не говорить ся ни о Богѣ, ни о церкви, ни о вѣрѣ. Але въ Езаску настала на се велика буря. Народъ згромадився на великое собраніе и заявилъ, что все свое жертвовали своей отчинѣ Франціи, но Бога своего уже не даютъ. Послы въ парламентѣ енергично запротестовали, что подъ віякимъ условіемъ не перепустять сей законъ. Всѣ христіянскѣ организаціи заявили, что ажъ до крайности будуть ся бороти противъ сего закона безбожного. Епископы возвали весь народъ на борьбу противъ сего намѣренія соціалистовъ, котра борьба мусить ся скончити повною побѣдою католиков.: (Posol)

— **Прійшли монахинѣ.** На конци дочекалисме ся великої радости, пришли монахинѣ въ нашу епархію насталое перебыванье. Были уже они унас, но тогда наше державное правительство не заботило ся достаточно, чтобы постоянно меже нами лишили ся. Подъ епископствованіемъ преосвященнаго Петра настала и въ семъ напрямѣ радостна іеремїна. Онъ познавъ велику силу и великое значеніе дѣйствованія монахинь для блага церкви и русскаго народа и симъ благороднымъ крокомъ почавъ свое епископское дѣйствованіе. Да, 12-го септембра перебрали они нашъ дѣвочій интернатъ Ужгородскій. Мы и всѣ вѣрнѣ греко-каѳолики маеме велику радость изъ сего поводу и всѣ щиро дякуеме паву Преосвященству, что се здѣлавъ для блага своеї епархіи. На напады нашихъ вороговъ не даеме ничъ. Чимъ лѣпше кричатъ, тымъ лѣпше докаже ся, что се есть святое дѣло и добroe для всѣхъ нась греко-каѳоликовъ.

— **Наши права признаютъ и въ найвысшомъ судѣ.** Въ Вел. Лучкахъ шизматики забрали всѣ наши гр. каѳ. церковнѣ маєтки. Въ дѣлѣ церкви найвысшій судъ въ Брнѣ такъ рѣшивъ, что церковъ повинна администрація т. е. головно служный передати гр. каѳоликамъ. (И на се прійде

час! Но въ дѣлѣ церковныхъ маетковъ высказавъ, что сесѣ не належать до головного служного, но мають правотити ся на окружномъ судѣ и на судовой столицѣ. Симъ способомъ лучанскѣ греко-каѳоликики всю надѣю мають на то, что выиграютъ право, бо судъ лишь то буде позерати на якомъ имени стоять сесѣ церковнѣ маетки. А то пѣлый свѣтъ знае, что шизматики туй на Подк. Руси жадного маетка не мали и не мають. Бо грабежъ еще не есть законнымъ способомъ посѣданія якогось маетка. Отступники но головно проводники схизмы у короткій часъ увидять, где е правда. Мы имъ радиме изъ широго братскаго сердца, чтобы забыли давнѣ споры, ненависти и вернули ся назадъ на стару гр. каѳо. православну вѣру, въ которой родили ся и выховали ся и отъ которыхъ лишь злоба агитаторовъ одорвала ихъ. Симъ способомъ зновъ миръ и любовъ буде въ Вел. Лучкахъ и не будуть мати огромнѣ судовѣ выдатки и кошти и не будуть постоянно въ сердцахъ своихъ носити страшну отвѣчательность передъ Всемогущимъ Богомъ.

— Преосвященний Петро в Хустѣ. Преосвященный епископ Петро посѣтилъ минувшого тыждня дасколько мараморошскихъ сель и 15. IX. загостили и до Хуста, где бывъ торжественно принятый руськимъ гр. каѳ. народомъ 1/2 11 годинъ зазвонили у всѣхъ турняхъ и одпроваджовали процесію, яка йшла на зустрѣчъ преосвященнаго. Процесіямъ но было конця. Спѣшили витати отда своего старѣ и молодѣ, возрослѣ и дѣти, богатѣ и худобнѣ. Подъ горою замка чекало множество народу епископа, и коли авто прибѣгло, возремѣло з тисячи взрослыхъ и дѣтинскихъ усѣ: „Най живе!“ най живе нашъ отець!.. Дѣточки — ученики народныхъ и горожанскихъ школъ обсыпали авто квѣтками. Тут витав преосвященнаго староста Хуста, на привѣт которого одвѣтивъ епископ: „Радостно прихожу до Хуста, межи мой руській народѣ, который вже больше раз давъ доказъ своеѣ вѣрности до церкви и народности. Будьте все вѣрными християнами и любѣть свой родныи руській языкъ, бо лѣш черезъ тотъ може досягнути руській народъ туту степень культуры, яку опъ собѣ заслуживъ“.

Одсѣ рушилася процесія з епископомъ до городу, до руськѣ церкви, де чекало епископа множество народу и корпорації рѣжныхъ институцій. На сходахъ передъ церковю витавъ епископа малый хлопчикъ Иван Шутка, который прочитавъ стихъ Юрія Шутки, держ. учителя, который бывъ зложеный на привитанье преосвященнаго.

Въ дверяхъ церкви витав епископа о. Ив. Бокшай, мѣстный намѣстник. При сиѣву: „Вошелъ еси Архіерею“ зайшовъ преосвященный до церкви, де одкончивъ коротку молитву, а потомъ державъ святу казань. Велика церковь Хуста была биткомъ наповнена народомъ, который з повагою и радостю слухав слова своего преосвященнаго отця. „Будь-

те ревними християнами, правдивыми русинами и лояльными до нашої милої Чехословакії республіки. Я всіми силами буду старатися, чтобы мой милый руський народъ зазнавъ спокою, спокою души. Часто одвѣдаю Васъ, чтобы научати васъ на все доброе и спасительное“.

Потому давъ свое архіерейское благословеніе на хустскихъ вѣрниковъ и просячи „Миръ, здравіє и благословеніе“ святѣйшому Папѣ Римскому, президенту Масарику, Владѣ и вѣрникамъ одойшовъ на фару.

По сему одвѣдавъ всѣ уряды, меж прочими нащививъ и интернатъ и сиротинець учительевъ Мараморошскої жупы, где довше и весело поговоривъ з малыми дѣтьми учениками.

По обѣдѣ, котрый одбывся на фарѣ принимавъ депутатії урядовъ и разных корпорацій, а у 4-ої годинѣ од'їхавъ з Хуста.

Побыть преосвященнаго в Хустѣ бывъ для насть святымъ а то святымъ дѣйственнымъ. Сего дня витали мы у себе свого отца преосвященнаго духовного но и отца нашего народного руського. Он е нашимъ истиннымъ отцомъ. Он е нашего гордостію, онъ е нашимъ першимъ магнатомъ, котрый засгупить за насть у нашихъ дѣлахъ. Въедно буде радѣти з радуючимися, а плакати з илаучими, бо е кров из нашої крови, кость из нашої кости.

Да по'ержть Его Господь Богъ на многая лѣта на нашу радость и утѣху! Слава! Слава! Слава! —онъ.

— Преосвященный Епископъ Петро у президента Республики. Дня 9-го септембра появив ся епископъ Мукачевскій въ супроводѣ о. директора Волошина у президента Масарика, кто симъ часомъ перебывае въ Таполчанкахъ. Президентъ дуже ласково и съ великою радостію принимавъ гостей, котрѣ въ прекрасной виллѣ президента черезъ цѣлый день радовалися гостепріемству пана

Масарика. Панъ президентъ довго переговоривъ съ епископомъ, и пришло въ всѣхъ вопросахъ епархіи до цѣльковитого порозумѣння. Панъ президент еще все въ повной силѣ здоровѣ працуе и цѣлькомъ сохранивъ свѣжость такъ тѣлесну, якъ духовну. Епископъ и Волошинъ въ 10-ої годинѣ рушилися на автомобилѣ п. президента зъ Таполчанокъ, до желѣзничої станціи, чтобы поїхали до Праги.

Короткѣ вѣсти. Дня 28-го праздновали словаки 60 роччу годовщину о. Адрея Глинки, вожда словаковъ католиковъ. Праздникъ бывъ великолѣпный и одушевленный. — Въ Голландіи найбольша партія: католиковъ; изъ всѣхъ 100 пословъ мають 32. — Найбoльшу пошгу достае Римскій отецъ денno: 27.000 листовъ и газетъ; на другомъ мѣстѣ стоять президентъ Америки, за нимъ слѣдуе англіцкій король.

ПЕРЕПИСКИ РЕДАКЦІИ.

М. Г. Цѣлу статю дословно выпечатати не можна было. Но с мѣста и не е терпеливости у читательовъ въ славными „дѣлами“ божтера занимatisя.

Паломникъ. На жаль, тыхъ книжокъ не маємо на складѣ. Скоршѣ достанете ихъ черезъ „Уніо“. Хотя теперь галицкѣ книжки дужо дорогѣ.

К. Л. Вы пишете, что въ вашомъ селѣ „директоръ школы изъ церкви выходячого батюха сими словами привѣтствованъ: „Но, чоловѣчо! Такъ парують на ти ризы, якъ на свиню монисто“. Се такоє кождодновное дѣло, что за се школа цѣлу статю написати.


Мараморошъ Ви не пишѣть логіматичнѣ статї, лишѣть то для священиковъ; се вхъ робота. Дуже потребуемъ релігійнѣ оповѣданя, новеллы, повѣсти изъ житя народного. Або данкѣ размовы, межъ шизматиками и гр.-каѳоликами, въ чо можете заплести и догматичнѣ вѣпросы. Якъ на пр. Гелебан написавъ разговоръ съ старымъ кураторомъ, або Димитрій Кумятскій.

СОДЕРЖАНІЕ.

УПАДОКЪ ОТСТУПНИКОВЪ. — ВѢРА: Пресв. Дѣва Марія. — СВ. СОЕДИНЕНИЕ. — БЕСѢДА: Источникъ благодати. — ИЗЪ ШИЗМАТИЦКОГО РАЮ. — Миссійна подорожъ еп. Петра въ Марамороши. — ВСЯЧИНА. — НОВОСТИ.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР
ЕМИЛІЯН БОКШАЙ.



!!Свой до свого!!

„АККОРДЪ“

Перша руська фабрика звоновъ въ Ужгородѣ.

Сими днями отвориться въ Ужгородѣ перша руська ліярня звоновъ „АККОРДЪ“. Капиталь создали сами напи люде. Буде она заряджена по найновѣйшой техницѣ и ведена перворядными фаховцями. Мѣстности фабрики уже будуються коло желѣзно-дорожної станціи въ Ужгородѣ. Тамъ постоянно будуть выставленѣ образцевъ звони.

Найлѣпшій благородный метал. Спеціальна марка „Аккордъ“ „A“ и „C“ звони, 10-рочна гарантія.

Замовленя просиме адрессовати:

„АККОРДЪ“, ліярня звоновъ въ Ужгородѣ.

КАНЦЕЛЛАРІЯ: Ужгородъ, Капитульна улиця 11.

— Замовленя можъ передати и въ Подкарпатскомъ Банку. —

Первое и единственное
дружественно подпрѣмство

„СОЛ“

свѣчкарня и воскарня в Космоносах заложено и ведено духовенством и лицами, допоручуе своѣ перворяднѣ выробы, церковнѣ свѣчки, каждого другу, восковѣ, половосковѣ, крашенѣ и луксусно здобенѣ, якож и столнѣ свѣчки всього другу, мыдло на праня и тоалетное, крим на обув, воск и крим на чищеня паркету. От духовенства купуеме пчолячий воск, отпадки из свѣчок, или вымѣняеме за свѣчки. Всьому превелебному духовенству, сл. патронатным урядам, господарским дружествам, и всѣм католицким сполкам до ласкавоѣ вѣдомости под геслом:

„СВОЙ К СВОЙОМУ!“

JOSEF NEŠKUDLA

NOVÝ HRADEC KRÁLOVE Čs. R.



Посылае скоро за половину цѣну: Ризы,
стихары и всѣ потребнѣ одежи для гр. каѳ.
литургіи, заставы, иконы од акад. худож-
ников, чаши, олтарнѣ свѣчники, лстры,
кресты, одежи и проч. найдешевше:

— Коло новых обѣданьях скоро задарьмо поправлю старѣ одежи. —


КОГУТ и ГОРЕИ
УЖГОРОД, РАКОЦІЯ ул. ч. 11.

ЗВОНЫ
—
250 и 200 кг. на
складъ.

Много признань, похвальных листов и подяк. За
належите выполнение и милый звук звонов повна
запорука.
„СВОЙ ДО СВОГО“. „СВОЙ ДО СВОГО“.

ЦЕРКОВНѢ
ПРЕДМЕТЫ
як: кресты, свѣчники,
образы до ношения
и т. д.

ВЛАДИМИР КОГУТ



УЖГОРОД, РАКОЦІЯ ч. 11.

Принимае до золоченя нашѣ и
обновляе всякѣ ишѣ церковнѣ
предметы. Купуйте за тунѣ грошѣ
лем у руськоѣ фирмы.


В КНИГОПЕЧАТНѦ „УНО“

МОЖ ПОЛУЧИТИ СЛѦДУЮЧѦ КНИГИ:

	Кч
1. Азбука Волошинова	7.—
2. Читанка „І. кл.	6·50
3. Аритметика Волошинова I—II. кл. 2 кор., III. кл. 2 кор. IV. кл.	2·60
4. Методическая грамматика Волошина	5.—
5. Географія М. Григашія по русски и по мадярски	5.—
6. Малый катехизм	1·20
7. Средний „	3·—
8. Великий „	5·—
9. Мала біблія	3·—
10. Середна біблія	10·—
11. Наша правда в вѣрѣ от д-ра Ю. Гаджеги...	2·—
12. Прочто празновати недѣлю а не субботу от д-ра Ю. Гаджеги	3·—
13. Біблейскіе вопросы с точки зрењія восточныхъ церквей	3·—
14. Вѣнец, стихотв. Павловича	18·60
15. Великий Зборник }	40·—
16. Середный „ } и с латиникою	24·—
17. Малый „ }	15·—
18. Ангел Господен }	6·—
19. Марія Повчанскій Паломник...	16·—
20. Пѣсемник, от директора промысловыхъ школ Ф. И. Шпалы	12·—
21. Рисованіе для дѣтей с русским текстом ...	6·—
22. Рисованіе для дѣтей съ чешским текстом ...	4·—
23. Рисованіе геометричное	15·—
24. Ручна праця в школѣ с чешским или мадярским текстом	16·50

В том состоянїи єсме, что всѣм заказующим через
48 годин можемъ почтовно провадити.

СУКНА А МОДНЪ МАТЕРІЯЛЫ,



панскъ и дамскъ униформовъ, тапихи,
церковнѣ сукна, готовъ реверенды, сти-
хары и одежи продаются ся найтунше
по мустрѣ, котрѣ посылаемо на жаданя.

Выробы сукон HEZINA A SPOL Humpolec
Повѣреный лиферант Церковного Товариства про Реп. Чсл.


БОЖЪ ГРОБЫ, СТАТУЪ

ВЫРОБЛЯЕ ИСКУСТНОЕ ПОДПРИЕМСТВО

ŘEHNA A CHARVÁT

:- KUTNÁ HORA 515. ČECHY. :-

ZVONAŘSTVÍ



OKTAV WINTER Broumov ČSR.

Книгопечатня Акційного Товариства „Уніо“ в Ужгородѣ.